

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

**po zahtjevu privrednog subjekta Hayat Temizlik ve Sağlık Ürünleri Sanayi ve Ticaret A.Ş, Istanbul,
Turska o obavezi podnošenja prijave namjere koncentracije**

**Sarajevo
Juli 2009. godine**



Broj: 01-01-26-529-3-I/09
Sarajevo, 21.07.2009. godine

Na osnovu člana 25. stav (1) tačka f) Zakona o konkurenciji ("Službeni glasnik BiH", br. 48/05 i 76/07), a po Zahtjevu privrednog subjekta Hayat Temizlik ve Sağlık Ürünleri Sanayi ve Ticaret A.Ş, Mahir Iz Caddesi 23, Istanbul, Turska, zaprimljenog od strane Konkurencijskog vijeća dana 17.06.2009. godine pod brojem: 01-01-26-529-I/09, Konkurencijsko vijeće, na 91. (devedesetprvoj) sjednici održanoj dana 21.07.2009. godine, je donijelo

MIŠLJENJE

Privredni subjekt Hayat Temizlik ve Sağlık Ürünleri Sanayi ve Ticaret A.Ş, Mahir Iz Caddesi 23, Istanbul, Turska (u daljem tekstu: Podnosilac zahtjeva ili Hayat Temizlik), podnio je Konkurencijskom vijeću Zahtjev za davanje mišljenja (u daljem tekstu: Zahtjev), zaprimljen dana 17.06.2009. godine pod brojem: 01-01-26-529-I/09.

Podnosilac zahtjeva traži mišljenje od Konkurencijskog vijeća da li je u obavezi podnijeti prijavu namjere koncentracije u smislu Zakona o konkurenciji.

U svom Zahtjevu privredni subjekt Hayat Temizlik navodi da namjerava postati vlasnik 45,0% vlasničkog udjela u privrednom subjektu Natron-Hayat d.o.o. Maglaj, Bosna i Hercegovina.

U osnovnom kapitalu privrednog subjekta Natron-Hayat d.o.o. Maglaj 90,0% vlasničkog udjela ima privredni subjekt Kastamonu Entegre Ağaç Sanayi ve Ticaret A.Ş, Istanbul, Republika Turska i 30,0% vlasničkog udjela ima privredni subjekt Natron d.d. Maglaj, Bosna i Hercegovina.

Članom 12. stav (1) tačka b) Zakona o konkurenciji je propisano da se koncentracijom smatra sticanje kontrole ili dominantnog uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekta, odnosno dijelovima drugih privrednih subjekata.

Na osnovu podataka dostavljenih u Zahtjevu, smatra se da kupovina 45,0% vlasničkog udjela u privrednom subjektu Natron-Hayat d.o.o. Maglaj od strane privrednog subjekta Hayat Temizlik ne predstavlja koncentraciju u smislu člana 12. Zakona o konkurenciji s obzirom da se ne radi o sticanju većinske kontrole ili dominantnog uticaja od strane jednog privrednog subjekta (Hayat Temizlik) nad drugim privrednim subjektom (Natron-Hayat d.o.o. Maglaj).

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

Predsjednik

dr. Stjepo Pranjić